

Na osnovu Člana 14. Statuta Udruženja inženjera i tehničara šumarstva Federacije Bosne i Hercegovine – UŠIT FBiH (u daljem tekstu: Udruženje), Skupština na svojoj sjednici održanoj dana 23.03.2012. godine, donosi

PRAVILNIK O ČLANSTVU

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE

Uvodne odredbe

Član 1.

Ovim Pravilnikom uređuju se uslovi i postupak za primanje u članstvo, način vođenja evidencije, obaveze članova, članarina, prestanak članstva i ostala pitanja vezana za članstvo u Udruženju inženjera i tehničara šumarstva Federacije Bosne i Hercegovine (u daljem tekstu: Udruženje)

Član 2.

Udruženje je strukovno udruženje i njegovi članovi su prvenstveno inženjeri i tehničari šumarstva.

Uslovi za članstvo

Član 3.

Članstvo u Udruženju pod jednakim uslovima može steći svako fizičko lice, državljanin Bosne i Hercegovine i strani državljanin prihvatanjem ciljeva i Statuta Udruženja. Svojstvo člana može steći i svako pravno lice registrovano na teritoriji Bosne i Hercegovine, kao i pravno lice registrovano u stranoj državi prihvatanjem ciljeva Udruženja i u skladu sa uvjetima utvrđenim Statutom Udruženja.

Članstvo u Udruženju je slobodno i dobrovoljno.

Član 4.

Članstvo u Udruženju se ostvaruje odlukom Skupštine ili Predsjedništva Udruženja po ovlaštenju Skupštine u skladu sa Statutom Udruženja a na osnovu prijedloga Komisije za prijem u članstvo, nakon podnošenja zahtjeva za prijem u članstvo za fizička lica ili potpisivanjem Ugovora za pravna lica.

Po prijemu u članstvo Udruženja, član se upisuje u evidenciju članova, te mu se izdaje članska knjižica (iskaznica).

Član 5.

Individualno članstvo se ostvaruje uplatom pojedinačne članarine u skladu sa odredbama Člana 10. ovog Pravilnika.

Kolektivno članstvo se ostvaruje potpisivanjem ugovora između Udruženja i pravnog lica i uplatom kolektivne članarine u skladu sa odredbama konkretnog ugovora o kolektivnom članstvu.

Član 6.

Predsjedništvo Udruženja može donijeti odluku o proglašenju fizičkih i pravnih lica, koja svojim aktivnostima daju poseban doprinos ostvarivanju ciljeva Udruženja i afirmaciji šumarske struke, počasnim, odnosno zaslužnim članovima Udruženja.

Član 7.

Pravo članstva u Udruženju ne mogu imati:

- Fizička i pravna lica koja su odlukom organa Udruženja izgubila pravo individualnog ili kolektivnog članstva,
- Fizička i pravna lica koja su prije podnošenja zahtjeva za članstvo u Udruženju svojim postupcima štetili ugledu Udruženja ili na bilo koji način kršili odredbe Statuta Udruženja i drugih pravila Udruženja,
- Fizička ili pravna lica za koja Skupština Udruženja da negativan stav u pogledu aplikacije za članstvo.

Pristupnica i način vođenja evidencije članova

Član 8.

Pristupnica za individualno članstvo mora biti ispunjena i potpisana lično, u pisanoj formi na posebnom obrascu (Prilog br 1.).

Pristupnica sadrži podatke o individualnom članu Udruženja, a posebno:

- identifikacioni broj člana,
- ime i prezime,
- JMBG,
- adresu prebivališta odnosno boravišta,
- datum i mjesto rođenja,
- kontakt podatke (telefon, email i sl.)

Član 9.

Datum potpisivanja pristupnice se računa kao zvaničan datum pristupanja Udruženju i prihvatanja obaveza i prava propisanih Statutom Udruženja i ovim Pravilnikom.

Evidenciju o članovima vodi Sekretar Udruženja.

Obaveze članova

Član 10.

Članovi Udruženja imaju slijedeća prava, obaveze i odgovornosti:

- aktivno učešće u ostvarivanju ciljeva i zadataka Udruženja kroz raznovrsne oblike rada i aktivnosti,
- čuvanje i unapređenje ugleda Udruženja,
- redovno izmirenje članarine,
- poštivanje i izvršavanje donesenih odluka organa Udruženja,
- dobijanje informacija o djelatnostima Udruženja i odgovora na pitanja od interesa za njih, uključujući tu i druge relevantne činjenice od presudne važnosti za njih,
- korištenje povlastica i mogućnosti koje obezbjeđuje Udruženje u pogledu zapošljavanja, kulturnog, prosvjetnog, sportskog i društveno-zabavnog života i rada,

- njegovanje i neremećenje međuljudskih odnosa sa drugim članom ili članovima Udruženja, nepovređujući integritet, poštovanje i ličnost bilo kojeg člana ili članova Udruženja na bilo koji način,
- druga prava, obaveze i odgovornosti koje utvrdi Skupština ili Predsjedništvo Udruženja.

Članarina

Član 11.

Iznos individualne članarine propisuje Skupština ili Predsjedništvo Udruženja posebnom odlukom u skladu sa Statutom. Članarina se plaća na godišnjem nivou počevši od godine potpisivanja pristupnice.

Iznos kolektivne članarine se definiše konkretnim ugovorom o kolektivnom članstvu.

Član Udruženja dobija člansku knjižicu (iskaznicu) i značku. Izgled članske knjižice propisuje Skupština ili Predsjedništvo Udruženja, na osnovu prijedloga Komisije za prijem u članstvo.

Važnost članske knjižice je trajna ili dok se odlukom Skupštine ili Predsjedništva Udruženja ne utvrdi drugačije.

Prestanak članstva

Član 12.

Članstvo u Udruženju prestaje:

- samovoljnim istupanjem člana,
- neizmirenjem obaveze plaćanja članarine,
- smrću člana (za fizička lica),
- prestankom pravnog subjektiviteta člana (za pravna lica),
- raskidom ugovora o kolektivnom članstvu (za pravna lica),
- nepoštivanjem odluka organa Udruženja,
- remećenjem međuljudskih odnosa sa drugim članovima,
- povredom integriteta i poštivanja ličnosti člana ili članova Udruženja na bilo koji način,
- drugim razlozima utvrđenim Statutom Udruženja

Odluku o prestanku članstva donosi Skupština ili Predsjedništvo Udruženja po ovlaštenju Skupštine u skladu sa Statutom Udruženja.

Član 13.

Razlozi za isključenje individualnih i kolektivnih članova iz Udruženja mogu biti:

- kršenje odredbi Statuta Udruženja (posebno odredbi Člana 16. i Člana 46.) i drugih pravila Udruženja (uključujući odredbe Člana 9. i Člana 11. ovog Pravilnika),
- ako svojim postupcima štete ugledu Udruženja.

Odluku o isključenju člana donosi Sud časti Udruženja u prvostepenom postupku.

Pokretanje slučaja kod Suda časti Udruženja vrši se na osnovu prijedloga Predsjedništva podružnice a u slučaju kad ista nije formirana, na osnovu prijedloga Predsjedništva Udruženja, temeljem inicijative bilo kojeg člana Udruženja.

Protiv odluke o isključenju, član ima pravo žalbe Skupštini Udruženja u Zakonom utvrđenom roku.

Odluka Skupštine Udruženja je konačna i izvršna.

U slučaju isključenja iz Udruženja, član se automatski briše iz evidencije članova.

Završne odredbe

Član 14.

Sva ostala pitanja vezana za članstvo u Udruženju, a koja nisu regulirana ovim Pravilnikom, rješavaju se u skladu sa Statutom i ostalim aktima Udruženja.

Član 15.

Tumačenje odredaba ovog Pravilnika i upute za njegovu primjenu daje Predsjedništvo Udruženja.

Član 16.

Ovaj pravilnik stupa na snagu danom donošenja.

U Zenici, dana 23.03.2012. godine

Broj:

Predsjednik Skupštine
Udruženja inženjera i tehničara
šumarstva Federacije Bosne i
Hercegovine

.....
Fadil Šehić, dipl. ing. šum.